

S **LO**
Afl. 1.25
Di Pueblo

BRIYANDO FUERTE • TRECIENDO CLARIDAD
DIALUNA 17 MAART 2025

**FELIZ DIA DI HIMNO Y
BANDERA**



WWW.SOLODIPUEBLO.COM



SOLODIPUEBLO@GMAIL.COM

CASTIGO DI PRISON EXIGI DEN CASO DI HOMICIDIO DEN PINDASTRAAT

Celebrando 49 aña di Himno y Bandera
**18 DI MAART 1976 E
BANDERA DI ARUBA A BAY
HALTO PA PROMER BIAHA**



**POLIS TA SIGUI CU
CONTROLNAN RIGUROSO UN
RATO PROME NAN A PARA
UN AUTO CU NAN MAN
NA E PISTOL**



**PIUS X SCHOOL A
RICIBI BISHITA DI
PROME MINISTER
DEN CUADRO DI
DIA DI HIMNO Y
BANDERA**



MINI MEGA Y MEGA PLUS LO HUNGA AWE 17 DI MAART

17 di maart 2025: En conexion cu dia di Himno y Bandera, lo no tin sorteo di merdia y anochi di Lotto, E Loteria di Aruba mañan diamars 18 di maart. Sorteo di Lotto ta sigui normal ariba diaranson 19 di maart cu weganan di merdia 2:30 PM y benta ta sera 2:15 PM y anochi 7:45 PM benta ta sera 7:30 PM.

Pa e sorteo di Mini Mega y Mega Plus, e sorteo lo hunga awe 17 di maart pa 7:45 PM.

Tambe Lotto ta ofrecebo e opcion pa por cumpra bo weganan di Lotto Online, kieren si bo no tin chens pa sali cumpra bo weganan preferi di Lotto, bo por cumpre for di bo smart phone, tablet of bo computer!

Si ainda bo no tin un

cuenta di Lotto Online, bishita www.lottoaruba.com, traha bo cuenta di hungado y asina cu bo wordo aproba, bo por cuminsa hunga Lotto online tambe!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla.

E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



Hopi Importante

Oficialmente, despues di un periodo di transicion extenso, tur tarheta Bankomatiko cu tin funcionalidad di Maestro a keda cancela desde 11 di maart 2025.

Esaki kieren cu awor clientenan mester uza nan tarheta nobo di Bankomatiko MasterCard pa asina por tin acceso na nan cuenta.

Si acaso bo no tin un un tarheta nobo di Bankomatiko MasterCard ainda, por favor tuma contacto cu nos via eAmigo Live Chat of Whatsapp.

Officially, after an extended transition phase, all Bankomatiko cards that have the Maestro feature have been canceled since March 11, 2025.

This means that customers must now use their new Bankomatiko MasterCard cards in order to have access to their accounts.

In the event you do not yet have a new Bankomatiko MasterCard, please reach out to us via eAmigo Live Chat or Whatsapp.



Clasificados



SOLODIPUEBLO@GMAIL.COM

CEL.585 9500



CASTIGO DI PRISON EXIGI DEN CASO DI HOMICIDIO DEN PINDASTRAAT



Awe Corte a trata e caso penal contra e homber G.A.J.Z.R. di 22 aña.

E sospechoso ta wordo acusa di a causa morto di e homber Essdras Daniel Tejada riba 3 di juli 2024 den Pindastraat. Segun e investigacion, Z.R. a golpea e victima cu forza na su cabez usando un obheto duro y skerpi, loke ta sali tambe di resultadonan di e autopsia. Fiscal ta considera cu tin suficiente prueba pa acusa Z.R. di

homicidio.

E sospechoso a declara cu e mester a defende su mes cu un pia di stoel contra Tejada, cu supuestamente a menaz'e cu un cuchio. Durante e tratamento den Corte, e sospechoso a persisti den t

Sinembargo, e lesion di

e victima no por wordo splica a base di un golpi cu un pia di stoel di palo y e situacion di defensa legitimo cu a wordo treci pa dilanti, tampoco ta probable, segun fiscal di Husticia.

Fiscal di Husticia a exige awe un castigo di prison incondicional di 9 aña contra Z.R.

Cu e acto aki e sospechoso a kita e posesion mas

bunita y grandi cu Tejada tabatin: su bida. Un acto irremediable asina ta sacudi e orden huridico di Pais Aruba profundamente y ta ser considera un di e crimennan mas grave den derecho penal. El a causa profundo dolor y sufrimento cerca e famianan di e victima.

Hues lo dicta sentencia riba 17 di april 2025.

CHAUFFEUR DI UN SUV NO A REGULA SU VELOCIDAD NI A MANTENE DISTANCIA A BAY DAL TRAS E AUTO SU DILANTI



Diabierna mainta a drenta informe di un accidente na e rotonde Paperclip na Seroe Patris, hi, mesora a dirigi un patruya na e sitio. Na yegada di e patruya a bin compronde cu aki ta trata di e chauffeur di un s.u.v. cu no a regula su velocidad ni a mantene distancia cu a bay dal tras di e Leapmotor su dilanti. Afortunadamente ningun hende a resulta herida.



18

maart

Dia di Himno y Bandera

Fabien Aruba



Grandeza di bo pueblo ta Su gran cordialidad

Parlamentario Endy Croes: Celebrando 49 año di Himno y Bandera

18 DI MAART 1976 E BANDERA DI ARUBA A BAY HALTO PA PROMER BIAHA

Parlamentario Endy Croes repasando historia di e bandera di Aruba. Diamars awor dia 18 di maart 2025 Aruba ta celebra 49 año di nos Himno y Bandera. Awe lo dedica na historia y significacion di nos bandera. No por keda sin menciona cu e gran Libertador di Aruba Sr Betico Croes den su lucha pa realisa nos Status Aparte ta esun cu a sinti e necesidad enorme pa unifica Aruba pa logra e anhelo di henter e pueblo. Atravez di e simbolonan manera nos Himno y Bandera cu ta balornan cu ta lanta e sentimiento di orguyo di un pueblo Betico a logra e uni henter e pueblo pa logra nos Status Aparte. E vision di Himno y Bandera a bira un realidad.

Pueblo a diseña 693 modelo pa un bandera:

Dia 21 di Januari 1976 Gobierno Insular a instala un Comision di Bandera y a inicia mesora cu tramitenan oficial pa organisa un concurso den pueblo pa un diseño di un bandera pa Aruba. Historia ta ilustra cu miembronan di e comision aki tabata ta Julio Maduro, Wouter van Romondt, Ronald Donk y como secretario Juan E. Wever. E Lider honorario di MEP kende pa 25 año tabata Lider di MEP Sr. Nelson Oduber e tempo aya na 1976 tabata Diputado di Cultura encarga pa organisa ful e proceso aki y a defende e leynan pa Himno y Bandera cu exito den Eilandsraad. Gran mayoria di participante pa cu e concurso tabata muchanan di school. A logra ricibi 693 diseño total. Locual a resalta di e gran mayoria un strea di 4 punta, strepi horizontal of vertical y colornan blauw, geel, blanco y cora. Cu e informacion aki Aruba a busca ayudo di un compania profesional specialisa den bandera. Asina gobierno

acerca Flag Research Institute na Boston USA. E compania aki cu e informacionnan cu a resalta den e 693 diseñonan a logra bin cu e concepto final.

Colornan di bandera di Aruba:

Tempo aya a escohe y a usa colornan di acuerdo cu e diccionario di color "British Colour Council Dictorionary of Colour Standard" (BCC). E color original blauw di bandera di Aruba ta Larkspur, No 196 mihor conosi como U.N.Blue. E color geel ta Bunting Yellow, no 113 y e color cora ta Union Jack Red, no 210. Color blanco ta White, no 1. Tur a wordo saca for di e mesun diccionario (BCC). Awendia e dicho diccionario di color (BCC) no ta existi mas. Conforme e centro di investigacion di bandera Flag Research Center na Merca, e colornan original ariba menciona ta igual na e guia di color di Pantone como lo siguiente. Colornan original blauw Larkspur no 196 U.N.Blue ta igual na blauw no 297, cora no 186, geel no 108 y blanco ta blanco absoluto.

Significasion di colornan di bandera di Aruba:

Blauw: Ta representa e lama cu ta rondona nos isla. Posicion di e Strea: Ta simbolisa e posicion di Aruba den lama Caribe. E Strea cora: Ta representa e pasion intenso di cada ciudadano pa su isla y e sanger cora di Indjannan cu a bringa pa nan libertad den Rooi Frances. Rand blanco di e strea: Ta simbolisa e santo blanco di nos playanan cu ta rondona nos isla y alavez e puresa di curason di nos hendenan cu ta respeta husticia, orden y libertad. E 4 puntanan di e Strea: Ta simbolisa direccionnan di compas indicando e diferente paisnan di unda hendenan a bini Aruba y forma un comunidad.



Strepinan Geel: Ta simbolisa e color di abundancia, solidez di abundancia y fuente di ingreso di antaño manera industria di oro, guamo y di aloe. Alavez e geel ta simbolisa nos matanan manera kibrahacha, brasil, bonchi di strena, curahao, tuturuto y wanglo.

18 di Maart 1976 Bandera di Aruba a wordo lanta oficialmente:

Dia 16 di Maart 1976 Eilandsraad a aproba e diseño di e bandera

oficialmente y dia 18 di Maart 1976 den Wilhemina Stadion awe (Compleho Deportivo Guillermo Prospero Trinidad) cu ta den pleno renobacion, a lanta e promer Bandera oficial di Aruba. Mesun momento e tononan di nos Himno di Aruba oficialmente a resona pa promer biaha. Historia aki ta pa nos traspasa pa nos juinan y jui di nos juinan y semper nos lo keda orguyoso di esnan cu a logra esaki. Pabien Aruba y ban celebre diamars awor dia di Himno y Bandera di Aruba engrande!



EMPLEADA A KITA CAY ABAO Y NO POR A MOVE DURANTE TRABAO NA SUPERMERCADO



Diabierna mainta a drenta informe di cu un dama a cay abao y no por a move na un supermercado na Sabana Liber, mesora a dirigi ambulans na e sitio. Na yegada di e ambulans nan a trata y atende e dama na e sitio mes y despues di un rato e por a move ya cu e tabata sinti miho. A conseha e dama pa e bay su dokter di cas pa locual a pas'e.



Amor y respet pa nos isla...
Aruba nos patria stima...
Orguyoso di por contribui na bo desaroyo

*Feliz Dia di
Himno y Bandera*



SVB
SEGURIDAD PA ARUBA SU COMUNIDAD



Nos bandera,
nos himno, nos orguyo!

Feliz Dia di Himno y Bandera



AUA
AEROPUERTO INTERNACIONAL REINA BEATRIX

Prome Minister Evelyn Wever-Croes: PIUS X SCHOOL A RICIBI BISHITA DI PROME MINISTER DEN CUADRO DI DIA DI HIMNO Y BANDERA



Diabierna Prome Minister Evelyn Wever-Croes a sigui cu su bishitanan tradicional na scolnan na Aruba den cuadro di Dia di Himno y Bandera. Riba e mainta aki Prome Minister, acompaña pa Minister di Cultura, Xiomara Maduro a bishita Pius X School na Dakota.

Prome Minister a ricibi un caluroso 'Bon Bini' di e muchanan cu a ricibi'e

cu un sonrisa dunando inicio na e mainta aki. Aki Prome Minister a haya e oportunidad pa combersa cu e muchanan di klasnan 6 y despues a sigui un momento unda e muchanan por a haci pregunta na e mandatario y asina haya sa mas di nos Dia di Himno y Bandera.

E mandatarionan por a mira den e klasnan 6 un proyecto cu e alumnonan

a traha riba dje unda nan por a escoge Rubianonan cu logronan grandi. Prome Minister a expresa cu un proyecto asina ta importante pasobra cada un di e Rubianonan aki ta un inspiracion pa e alumno y asina e alumno sa cu e tambe por tin logronan grandi den su bida.

Prome Minister a expresa cu e ta hopi contento cu e charla cu e tawatin cu e muchanan. E por a sinti na e muchanan con grandi nan amor ta pa Aruba. El a splica nan: "Ora bo ta stima Aruba bo kier pa Aruba bay bon. Esey kiermeen bo mester haci bo best na scol y semper aspira pa ta e miho version di bo mes den tur loke bo ta haci. Asina bo ta hiba bo mes y Aruba padilanti".

Prome Minister a gradici Pius X School pa inculca den e muchanan e importancia di nos propio hendenan. "Danki pa ricibi mi y duna mi e oportunidad pa comparti cu e alumnonan e mainta aki. E muchanan ta bon




prepara pa celebra Dia di Himno y Bandera. Mi por mira cu nan tin un amor

grandi pa Aruba y pa su himno y bandera", Prome Minister a expresa.

ACCIDENTE PA FALTA DI PREFERENCIA BANDA DI JOHNSON'S SUPERMARKET



Diabierna mainta a drenta informe di un accidente banda di Johnson's Supermarket, mesora a dirigi un patruya na e sitio. Na yegada di e patruya a bin compronde cu aki ta trata di un accidente pa falta di preferencia. Afortunadamente ningun hende a resulta herida.



Cas di Max
Mueble y mas

Netamente Criyoyo!

*4 generashon
di comerciante local...
Mo Chimi, Max, Dadou,
Karine y Paul*

*Ta desea pueblo di
Aruba un Feliz
Dia di Himno y Bandera*



BOKSMENTO DEN BOCHT NA SERO PRETO PARADERA



Sero Preto(Paradera) - Diasabra merdia ambulance y polis a bay un bocht den Sero Preto na Paradera pa un accidente cu mucha involvi.

Despues di Forensys ambulance presenta, y por a mira e Paramediconan bay na un cas cerca di e boksmento. Ey e mucha tawata.

Polis di trafico y Forensys a atende cu e chauffeurnan di tanto e Nissan Fuga maneha pa un dama y e Hyundai Flatbed. Na e sitio nos a compronde cu e Nissan lo no a mantene su mes den su banda y ta topa cu e Flatbed den e bocht.



Ey ta unda e boksmento ta sosode, aunke ambos vehiculo por a move ariba nan mes, mester bisa cu e

Nissan a sufri basta daño material na su banda robes.

Na final e Paramediconan

a bandona e sitio, y a constata cu e criatura mas tanto a spanta y voor de rest tur cos tawata bon cu ne.


A CONFISCA UN BROMMER PA TRECE TRAFICO Y BIDA DI HENDE NA PELIGER



Den luna di december, via media social, hende por a mira un drifting di brommer cu a tuma lugar durante un evento di car show banda di Watty Vos Blvd. Durante e evento un cabayero riba su brommer a drift meimei di e publico, unda a dal un mucha manda laira cu e brommer sigi drift y asina trapa pia di mas hende.

A sigi tuma nota cu e mesun persona cu e mesun brommer a sigi haci diferente drifting ariba varios caminda di Aruba, poniendo e trafico y bida di hende na peliger pa su maniobranan cu ta contra ley y seguridad di trafico.

Cuerpo Policial no a laga esaki continua y a cuminsa un buskeda pa e manehador y e brommer. Riba ordo di fiscal, a kita e brommer for di e persona. Cuerpo Policial no lo tolera ningun maniobra riba camindanan publico, cu por pone e trafico y bida di hende na peliger. Agente Policial di Unidad Motorisa y departamento di Trafico lo sigi atende cu casonan asina y lo actua riba esnan cu ta pone e trafico y bida di hende na peliger.



DEN COREMENTO WIEL DI PICKUP A SALI Y LO A BAY DAL RIBA AUTO CONTRARIO CHAUFFEUR A LOGRA MANIOBRA BAH ESAKI FOR DI CAMINDA



Diabierna atardi a sosode un incidente na Macuarima, aki e wiel di banda robes patras a kita sali for di e pick-up y probablemente a bay dal un auto contrario. E chauffeur mes a logra maniobra e pick-up for di caminda. Na yegada di e patruya a papia cu e chauffeur y despues a sigui cu su patruya.

Feliz Dia
di Himno y
Bandera!

En conexion cu celebracion di
Dia di Himno y Bandera
nos oficina lo ta cera:
dialuna, 17 di maart y
diamars, 18 di maart 2025

Nos lo ta habri bek pa duna
servicio segun nos orario regular:
dianan, 19 di maart 2025.

APFA ta crea awe **balor pa mañan**

*Ban Celebra Hunto
Nos Identidad*

**Feliz Dia di
Himno y Bandera**

SETAR

SABIDURIA DEN NOS ALEGRIA

Skirbi pa Ruth”Lady
Ruth”Vrieswijk-Bergen



Nos ta felicita Aruba cu nos Dia Nacional 18 di Maart 2025. Podise ora e relato aki sali ya e dia grandi aki ta tray lomba. Ban bek un rato na e anochi di Poeta di Patria cu a tuma lugar den Fort Zoutman. Lady Ruth no por a bay participa personalmente, pa motibo di un kebrante di salud, pero a pidi su amiga colega lider scout e carismatico y elegante Marcia Dirks recita e poema cu Lady Ruth a skirbi titula “Dushi ponche crema di Aruba”, mientras cu Marcia mes a participa cu su fantastico poema “Dos plaka di palabra”. Nos a wak e competencianan na cas riba television y for di e angulo ey a sinti cu algun poema mas cu otro. Tur ta expresionnan poetico diferente y nos a

puntra nos mes ta kico ta e criterianan pa escoge e poema ganador. Un team ta scoge e contenido y e otro team di jurado ta scoge e presentacion, vos, accento ,actuacion etc. Y despues ta conta e puntonan hunto ? Nos a tende cu hendenan den publico a comenta cu e palabra “ Atrobe”, ora e ganador maximo a wordo anuncia. Nada personal contra ningun hende. Por algo sera cu ela bolbe gana ? Nos no kier trapa riba teenchi di ningun hende ni e comishon organisador ni e juradonan,ni e ganadornan, pero e poema ey y algun otro a cansa mi. Pa ora mi a tende un parti y purba di digest, a sigui un otro parti manera repeticion di e estilo cu ya a gana varios biaha. Nos a comprende fei un di e personanan cu tawata jurado e anochi aki, pero ya fei algun anja atras, cu ta un competencia pues tur hende , ken cu ta por bin participa cuanto biaha cu e kier. Nos ta pensa, si ba gana 2 of mas biaha caba, sigui participa como un boluntario estilo guest star, bo ta stima Aruba henter anja toch ? ya otro poetanan tambe por bin na remarke pa gana maske ta un di e puestonan un biaha . Nos tambe a puntra nos mes na cas “ atrobe e mesun persona ta gana ?” Ta su estilo so ta bal of otronan no kier tende poemanan cu berdadnan den nan ? Por ta den forma di protesta pero cu contenido cu ta inspira ?.Podise tin cu ta den “denial” y no kier wak cos manera nan ta, pero ta prefera di sigui sonja

? Nos ta para banda di mi dos amiganan lider scout cu ta custumbra di” zet door onder alle omstandigheden”. pero a cuminsa fada y cansa y ta nos tur sa awor di antemano cu ta un Poeta Patria so ta hanja e oportunidad cu su poema pa gana. Enbes di engrandece e competencianan ta atras e ta bay, a menos cu nan cuminsa propaganda na scolnan secundario pa hobennan bin expresa nan amor pa Aruba, sin sa ni mes kico ta un warawara of un doria. Naaaah.e no ta fun mas. Juradonan cu no por pone nan mes den e simplicidad amoroso di e poema di varios poeta y ta scoge cada ves pa esun cu mas palabranan cu hopi repeticion ofzo ? Anto tin cu pasa pa “Poeta di buki di Aruba ? Tawatatin e poema fantastico di Marcia Dirks “Dos plaka di palabra” y di Ariana Koolman Chirino cu tambe a inspira un tremendo bon y bunita poema “Aruba mi forsa”. Tur dos cu un tremendo bunita mensahe cu ta berdad. Nos a sinti cu e dosnan ey lo ta den e top 3, pero nada.....atrobe. Nos a comprende cu e publico no tawata asina grandi, y nos por a wak regalonan bunita wordo entrega na e juradonan, mientras e poetanan participante ta hanja un certificado den un lijshie cu ta habri los kita cay den otro ora bo colge den bo gang of den bo studie hoekje. Nos a yega di propone pa duna cada participante un voucher pa dinner for two na un bon restaurant of un weekend stay den un di nos hotelnan ,pa e participantenan bini hunto y intercambia di ideanan y palabranan poetico, como aprecio di berdad pa nan inspiracion unico. Naaaah, no cada ken den un kamer, pero 4 damas den un kamer etc. estilo studententijd ofzo.



Duna mas respet y mas balor na tur Poeta, nos merece despues di ta cargando e competencianan aki ya pa varios anja. Ta competencianan asina ki Atan Lee dfm tawata desea pa pueblo hanja tur biaha e mesun ganador ? Hopi saai y laf mes ! Enfin, mi “dos plaka di palabra” encuanto Poeta di Patria. Hasta via mi celular mi a ricibi e palabra “ Atrobe ?” E mesun atrobe ?

Un poema prosa no mester tin 20 mil palabra pa expresa amor, den 10 of 20 por anto mihor cu mas profundidad den sentimiento expresa. Pakico no invita e ganadornan maximo como “ Guest Poets”, pues Poetanan invita ? Principalmente esnan cu a gana mas cu 2 biaha . Ta manera e Oscarnan na Merca, hahahaha , tur ta wordo nomina pa participa pero ta un of dos so ta sigui gana, hahahahah! Aynoooo mi Aruba, bo por mihor !!!Nos tambe ta bay tuma pauze anto , e no ta “fun”mas, pasobra, mi a sinti como Poeta colega pa varios di nan cu a merece sali den e top 3 nan,y no a sali. Mi sa kico ta bebe y come di un poema di un Poeta. Nos ta termina nos relato felicitando e 5 ganadornan di Poeta di Patria 2025 ,specialmente amigo Dominico Werleman cu a presenta un bunita poema y John Fredy cu a bin cu un super

bunita poema atrobe, pero pueblo ta desea un otro Poeta di Patria, nan a fada di e mesun cu su mesun estilo tur ora. Pabien na tur e fiel participantenan cu nunca a yega na beurt pa luci como Poeta di Patria cu nan bunita poema. Comision lo tin miedo cu sin Jhon Fredy no tin Poeta Patria ? No ta e so ta stima su di dos cas Aruba, tur ta stima nan pais Aruba. Enfin, un crenchi locual ta biba den pueblo cu a desea di wak un otro Poeta di Patria cu un otro sorto di poema. Talbes hopi ta biba den un fantasia ainda ? No ta un estilo di expresa tin, tin hopi mas ! Y Lady Ruth a caba di expresa un disgusto, di un pueblo disapunta den con e cos a bayatrobe !

Nos ta skirbi pa pueblo y nos lo sigui skirbi pa pueblo, no mester di titulo pa wordo stima y aprecia pa nos dushi pueblo, especialmente pa nos grandinan. Na mi amiganan colega Poeta Marcia y Ariana :” You are awesome ! Boso ta master den boso expresion poetico ! Danki pa a regala Aruba boso bunita poema unico den su estilo.! Na pueblo lector : Danki pa lesa y danki pa e comprension, nos no ta “Jalurs”! Not at all ! No comprende nos fout nos relato di critica constructivo. Pueblo ta preocupa si e competencianan lo keda existi den futuro .

EMPLEADA A KITA CAY ABAO Y NO POR A MOVE DURANTE TRABAO NA SUPERMERCADO



Diabierna mainta a drenta informe di cu un dama a cay abao y no por a move na un supermercado na Sabana Liber, mesora a dirigi ambulans na e sitio. Na yegada di e ambulans nan a trata y atende e dama na e sitio mes y despues di un rato e por a move ya cu e tabata sinti miho. A conseha e dama pa e bay su dokter di cas pa locual a pas'e.



Amor y respet pa nos isla...
Aruba nos patria stima...
Orguyoso di por contribui na bo desaroyo

*Feliz Dia di
Himno y Bandera*



SVB
SEGURIDAD PA ARUBA SU COMUNIDAD



Nos bandera,
nos himno, nos orguyo!

Feliz Dia di Himno y Bandera



AUA
AEROPUERTO INTERNACIONAL REINA BEATRIX

E di dos siman di Maart '25 a habri cu un grato noticia caminda Amylee Melo, alumno di Chaco Taekwondo Academy a ricibi su certificado di 2e poom, directamente for di Kukkiwon Sur Corea

Nos ta sumamente orguyoso cu e logro aki di Amy.

Si bo persona tambe ta interesa di conoce of asisti y siña e arte di taekwondo, Chaco Taekwondo Academy su dianan di training ta: dialuna - diaranson - diabierna di 5:30 pm pa 6:15 pm pa mucha y hoben. Pa adulto lesnan ta di 6:15 pm pa 7:30 pm. Localidad: Scol Basico Kudawechea (Noord)
E enfoke ta riba defensa personal, poomsae, light sparring y e arte y filosofia marcial di taekwondo.

E aña aki, Chaco Taekwondo Academy lo kier sigui su enfoke riba e chikitanan inculcando e respet, disciplina, cortesía, integridad, perseverancia, desaroyo di mente fuerte y spirito indomable. Pe e adulonan e aña aki lo concentra adicionalmente riba e fortalecimiento fisico y desaroyo di e raiz di e arte di taekwondo como arte marcial.

Pa mas informacion por bishita facebook di ARTBO:
Aruba Taekwondo Bond



Y tambe di Chaco Taekwondo Academy.
Facebook: Chaco Taekwondo Academy
Number di contacto: Melvin Rasmijn: 593 8910
Yoshmar Wever: 568 2446

**"Tin" Dushi - CALA
y un BAZAAR**
18 Maart 2025.
10.30 Am - 2 Pm
R.B 72 A.
(Tel: 593-6498)



Team di Djis Pa Hari na Alemanian pa participa den proyecto di Erasmus+



ORANJESTAD - Djis Pa Hari, e grupo di creativonan cu ta consisti di Ephrayim Odor (co-fundado), Semi Chahmi (Co-fundado), Beach Lama (Productor Ehecutivo) y Samir Angel

(Actor) lo ta formando parti di un proyecto bao di Erasmus+ cu diferente otro organisacionnan den region di Caribe y Europa. E grupo, miho conoci pa diferente tipo di produccion y video comico

Ambulans a bay cu urgencia pa un empleado cu a corta su pia cu hero



Diabierna merdia a drenta informe di cu un empleado durante trahamento cu brommer un hero a corta su pia malamente cu hero na deposito di Unicon, mesora a dirigi un ambulans cu urgencia na e

sitio.

Na yegada di e ambulans nan a nota cu tabata trata unicamente 2 corta chikito e empleado tabata tin y un mas hundo cu e otro y a djies pone verband riba dje y a consehe pa bay dokter.

durante ultimo aña riba plataformanan social, awor ta enfocando den sigui expande nan mes, nan idea- y metanan.

Via di Stichting Djis Pa Hari Media Verse, miembronan Semi Chahmi cu Beach Lama a biaha bay Alemanian e fin di siman cu a pasa pa asina reuni algun dia hunto cu organisacionnan manera e.o. Elisa Academy di Corsou, Lichause

di Alemanian, Gyonne Goedhoop y varios otro representantenan den areanan di sector social, artistico y mas. Miembronan Ephrayim Odor y Semi Chahmi ya caba a topa cu nan na Corsou algun tempo atras den e prome fase di e proyecto aki.

E meta ta pa den e siguiente dianan reuni na Alemanian y cuminsa finalisa otro detayenan

cu ta haci falta pa asina prepara un programa cu lo bay ta presenta na varios di nos islanan den Caribe y tambe algun luga na Europa. Pronto lo tin mas informacion riba kico asina e programa aki lo encera. Por bisa si cu e proyecto ta uno dirigi na educacion di nos hobennan den local ta cultura y historia, e conexion entre Europa y Caribe, su logronan y desafionan.



CHAUFFEUR A HAYA CHENS DI UN BANDA Y A SUBI SIN WAK OTRO BANDA CAUSANDO ACCIDENTE



Diahuebs atardi a drenta informe di un accidente cu hende herida na Piedra Plat, nesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente pa falta di preferencia unda e chauffeur di un Toyota Yaris a haya chens di un banda pero no a mira cu tabata bin un pick-up di otro banda y esaki a bay



dal e Yaris bir'e 90 grado mande bay dal un otro auto blanco para riba e liña. Polis a ripara cu e Yaris no tabata tin su papelnan na ordo. E chauffeur di e pick-up

tabata keha di dolor na su brasa. Na yegada di e ambulans nan a atende e persona herida como tambe e otro nan y a atende nan na e sitio mes.

Chauffeur a perde control bay dal un auto despues bay dal un suv



Diahuebs anochi a drenta informe di un accidente na Dakota, mesora a dirigi un patruya na e sitio. Na yegada di e patruya a bin compronde cu aki ta trata di un chauffeur di e Hyundai



Getz geel sin papelnan na ordo a perde control bay dal un auto Hyundai blauw scur dje sigui bay dal riba un Kia Sportage

cora cu tabata staciona. Afortunadamente ningun hende a resulta herida.

OCA ta organisa Feria Himno & Bandera



Organisacion Caballista Arubano ta organisa e segundo competencia pa 2025, Feria Himno y Bandera, cual lo tuma lugar Maart 22 y 23 na Villa Floralina.

E competencia aki lo

cuminsa diasabra 5 PM cu categorianan di cabay di tur modalidad. Diadomingo lo tin competencia di equitacion, pues pa e Jinete & Amazona. E competencia lo wordo juzga pa juez di USA, Rogelio Moreno kende tambe ta Vice presidente di e Comite di Jues di CONFEPASO.

Bar y cushina lo ta bon surti ambos dia.

Clasificados





SOLODIPUEBLO@GMAIL.COM
CEL. 585 9500




Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - March 16, 2025



Sorteo # 4566

2786

8316

3379



X2



Sorteo # 4566

3070



X2



Sorteo # 2622

5708



Sorteo # 4566

3927
Leo



Sorteo # 1440

660



X2



Sorteo #

0 x Jackpot

0 x Match 4+

0 x Match 4

0 x Afl. 12,00

Joker Letter

Proximo Jackpot

200.000,-



Sorteo # 6772

0 x Jackpot

3 x Match 4

145 x Afl. 8,00

09-10-12-19-29

Proximo Jackpot

150.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

290.000,-

Afl. 400.000,-



MEGA PLUS



Sorteo #



SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			



Feliz dia di Himno y
Bandera

Aruba un pais chikito,
pero cu hendenan cu
tin un amor inmenso pa
nan patria y cultura.

Feliz dia di Himno y
Bandera di parti di
directiva y personal di
UNOCA.

18 di maart 2025

Elevando Aruba su Cultura!



POLIS TA SIGUI CU CONTROLNAN RIGUROSOS UN RATO PROME NAN A PARA UN AUTO CU NAN MAN NA E PISTOL

Diabierna atardi polisnan cu control severo y cu precaucion un rato prome nan a para un auto cu nan

man na e pistol. Polisnan ta controlando auto na Shaba tur auto sospechoso ta ser para y controla.



Cas di Paloma - Diasabra merdia habitantenan di Cas di Paloma a nota

candela altura di un antena di Setar. Mirando cu e ta cerca tambe di un

cash di coriente a avisa 911.

Brandweer cu a presenta na e sitio por a constata cu lo tawata trata di un monton di sushi, acumula. Bomberonan mesora a actua y a paga esaki. Nos a compronde cu nada no a sufri daño y esaki debi na e actuacion rapido di brandweer.

Candela cerca di antena di SETAR



Clasificados

Icons representing various services: car, house, shopping cart, truck, wrench and screwdriver, and people.

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo